

Na osnovu člana 65. Statuta JP“Putevi i komunikacije“d.o.o.Lukavac, broj: 17/21 i člana 21a. stav 2. Zakona o zaštiti ličnih podataka ("Sluzbeni glasnik Bosne i Hercegovine", broj: 49/06 i 76/11 i 89/11), direktor JP“Putevi i komunikacije“d.o.o.Lukavac, donosi

## **ODLUKU**

### **ouspostavi i načinu korištenja video nadzora na kontroli ulaza/izlaza putem rampa sistema ispred TC“Belamionixa“**

#### **Član 1.**

Ovom Odlukom uspostavlja se sistem video nadzora na kontroli ulaza/izlaza putem rampa sistema ispred TC“Belamionixa“ i opravdanost, te utvrđuju pravila prikupljanja, obrade, načina korištenja i davanja prikupljenih podataka zajedno sa načinom i rokovima čuvanja istih.

#### **Član 2.**

Video nadzor se provodi u svrhu zaštite, sigurnosti rampa sistema, od strane korisnika/posjetioca TC “Belamionix“.

Pored svrhe iz stava 1. ovog člana video nadzor se uspostavlja i koristi za sprečavanje, otkrivanje i istraživanje od strane nadležnih organa, u slučaju krađe, uništenja i oštećenja opreme i imovine u vlasništvu JP“Putevi i komunikacije“d.o.o.Lukavac.

#### **Član 3.**

Sistem video nadzora može se upotrebljavati samo u skladu sa svrhom propisanom ovom Odlukom.

Podaci prikupljeni sistemom video nadzora ne smiju se koristiti suprotno Zakonu o zaštiti ličnih podataka.

#### **Član 4.**

Video nadzor obuhvata snimanje i pohranjivanje vizuelnih zapisa.

Ulaz/izlaz na parking prostor ispred TC“Belamionix“, regulisan rampa sistemom su pokriveni nadzorom video sistema.

Sistem video nadzora obuhvata vanjske kamere i uređaje za pohranu video zapisa i arhiviranje video zapisa.

#### **Član 5.**

Korisnici/posjetioci TC“Belamionix“ su obavješteni o vršenju video nadzora putem jasno vidljivih obavještenja: „Rampa sistem je pod videonadzorom“ koja su postavljena na kućištu rampe i objektu (nastrešnici parking sata) iznad koje je postavljen video nadzor.

## Član 6.

Sistem video nadzora povezan je na monitoring stanicu smještenu u kućici kontrole rada rampa sistema.

Direktor ima mogućnost uvida u sistem video nadzora putem službenog telefona na kojem je instalirana aplikacija za praćenje rada video nadzora.

## Član 7.

Snimke nastale korištenjem video nadzora se pohranjuju na snimaču.

## Član 8.

Radnici raspoređeni na radno mjesto kontrole rada rampa sistema imaju mogućnost uvida u sistem video nadzora putem monitoring stanice koja je smještena na računaru u kućici kontrole rada rampa sistema.

Pravo pristupa pohranjenim snimcima u roku prije njihovog brisanja ima direktor.

Zaštita od neovlaštenog pristupa snimcima uspostavljena je na način da je za pristup istima potrebna posebna šifra koju posjeduje samo lice iz stava 2. ovog člana i koja se čuva u zatvorenoj kovčetu, u zaključanom ormaru za čije čuvanje je odgovoran direktor.

## Član 9.

Pristup video nadzoru odnosno pohranjenim snimcima može se omogućiti ovlaštenim policijskim agencijama i ministarstvima unutrasnjih poslova u slučaju incidentnih situacija ukoliko su ispunjeni sljedeći uslovi:

- da se desila incidentna situacija vezana za ugrožavanje sigurnosti imovine i ljudi
- da je nadležni policijski organ podnio pismeni zahtjev za omogućavanje pristupa video zapisima sa jasno određenim vremenskim razdobljem za koji se traži pristup video zapisima
- da u arhivi snimljenog materijala postoji video snimak u traženom vremenskom razdoblju.

## Član 10.

Odluka o uspostavi i načinu korištenja video nadzora na kontroli ulaza/izlaza putem rampa sistema na parking prostor TC "Belamionix" stupa na snagu danom donošenja i biti će objavljena na web stranici JP "Putevi i komunikacije" d.o.o. Lukavac.

Broj: 222/23

Datum: 06.07.2023.godine.



Direktor

Niaz Fazlić dipl.ing.